

# Ժողովուրդ

5  
(2671)

17 հունվարի երեքշաբթի 2023  
տպագրության ԺԲ տարի

✉ ք. Երևան, Արմավյան 22ա/3 (0010)

☎ +374 10 546423

@ info.armlur@gmail.com, info.zhoghovurd@gmail.com

100 դրամ

## ՓԱՇԻՆՅԱՆԻ ԹԻՄԱԿԻՑՆԵՐԸ ԽԱԲԵԼ ԵՆ. ՄԱՍ 6




Ազգային ժողովի «Քաղաքացիական պայմանագիր» խմբակցության պատգամավոր, ԱԺ արտաքին հարաբերությունների մշտական հանձնաժողովի նախագահ Էդուարդ Աղաջանյանը հոկտեմբերի 7-ին «Ֆակտոր» լրատվականի հետ զրույցում հայտարարել էր, որ Հայաստանը 2020-ի 44-օրյա պատերազմից հետո այլևս չունի հնարավորություն եւ ռեսուրս ապահովելու Արցախի ժողովրդի իրավունքները եւ անվտանգությունը: Ըստ Աղաջանյանի՝ արցախցիների անվտանգության երաշխավորը, 2020-ի նոյեմբերի 9-ի եռակողմ հայտարարությամբ, միայն ռուս խաղաղապահներն են: Նույն հարցազրույցում Աղաջանյանը կարծիք էր հայտնել նաեւ, որ առկա միակ ռեսուրսը արցախցիների իրավունքների եւ անվտանգության ապահովման հարցով միջազգային հանրության կողմից ճնշումներն են: ՀՀ-ն, ըստ Աղաջանյանի, չունի որեւէ ռազմական, տնտեսական եւ քաղաքական ռեսուրս դրանց ապահովման համար: «ՀՀ-ն որեւէ պրակտիկ, գործնական վերահսկողություն Արցախի նկատմամբ չունի նոյեմբերի 9-ից ի վեր: Կրկնում եմ ոչ ռազմական, ոչ քաղաքական նույնիսկ», - հավելել է նա: Էդուարդ Աղաջանյանը նշում է, որ վերոնշյալ իրավիճակը ծագել է 2020-ի նոյեմբերից: Այս հայտարարությունները, սակայն, հակասում են պատերազմից հետո իշխանությունների պաշտոնական դիրքորոշմանն ու ներկայացրած նախընտրական ու կառավարության ծրագրերին: Մասնավորապես, 2021-ի խորհրդարանական արտահերթ ընտրություններին ընդառաջ ներկայացված նախընտրական ծրագրում Արցախի հիմնախնդրի մասին բաժնում, «Քաղաքացիական պայմանագիր» կուսակցությունն ասում է. «Հայաստանի Հանրապետությունը շարունակելու է լինել Արցախի ժողովրդի անվտանգության երաշխավորը եւ շարունակելու է աշխատել Արցախի ժողովրդի իրավունքների պաշտպանության ուղղությամբ: Խորացնելու ենք համագործակցությունը Արցախի հետ անվտանգային եւ ռազմական ոլորտներում: Մենք գործուն օժանդակություն ենք ցուցաբերելու Արցախին Պաշտպանության բանակի վերակառուցման ու արդյունավետության բարձրացման գործընթացում»: Իսկ կառավարության 2021-2026 թթ. ծրագրի՝ «Ղարաբաղյան հիմնախնդիր» բաժնում ասվում է, որ առաջիկա տարիներին կառավարության գլխավոր խնդիրը պետք է լինի ԼՂ ժողովրդի անվտանգության ապահովումն ու Ղարաբաղյան հիմնախնդրի խաղաղ եւ համապարփակ կարգավորումը: Այսինքն՝ եւ իշխող կուսակցության, եւ 2021-ին ընդունված կառավարության ծրագրերում կրկնվում է նախադասությունը, որ ՀՀ-ն շարունակելու է լինել Արցախի «անվտանգության երաշխավորը», սակայն թե՛ Էդուարդ Աղաջանյանը, թե՛ այլ ՔՊ-ականներ շարունակաբար հայտարարում են, որ արդեն ռուսական խաղաղապահն է պատասխանատուն:

«Ժողովուրդ» օրաթերթին բացառիկ մանրամասներ են հայտնի դարձել Արցախի նախագահ Արայիկ Զարությունյանի եւ արցախցի պատգամավորների երեկվա հանդիպումից: Արցախից մեզ հայտնեցին, որ մոտ մեկ ժամ տեւած հանդիպման ժամանակ քննարկվել են մեծ մասամբ անվտանգային հարցեր: Արայիկ Զարությունյանը արցախցի պատգամավորներին հստակ ասել է, որ իրավիճակն Արցախում ծայրահեղ է, իսկ Լաչինի միջանցքի հարցն, առհասարակ, փակուղում է. Ադրբեյջանը իրաժարվում է բանակցությունների դուրս գալ որեւէ կողմի հետ: Ինչ վերաբերում է Արցախի պետնախարար Ռուբեն Վարդանյանի իրաժարականի հետ կապված խոսակցություններին, Արցախից մեզ մանրամասնեցին, որ թեեւ ոչ ուղիղ տեսչատով, բայց խոսվել է, որ իրաժարականի պահանջը գալիս է Հայաստանի իշխանություններից եւ Արեւմուտքից: Հայաստանի իշխանություններին, մասնավորապես, դուր չի եկել Ռուբեն Վարդանյանի քննադատությունն այն մասին, որ Հայաստանի իշխանությունը, ֆինանսական օգնությունից բացի, այլ քայլ չի անում Արցախում ստեղծված ճգնաժամի լուծման հետ կապված: Արցախի մեր աղբյուրները հայտնեցին, որ Արայիկ Զարությունյանն իր խոսքում վստահեցրել է, թե Ռուբեն Վարդանյանի հետ անձնական որեւէ խնդիր չունի: Արցախում բոլորը գիտեն, որ իրականում թեեւ տպավորություն կա, թե Ռուբեն Վարդանյանին Մոսկվայից են նշանակել պետնախարար, իրականում այդպես չէ, առավել եւս՝ որ ՌԴ շահի դեմ Վարդանյանն արդեն դուրս է եկել իր տարբեր հայտարարություններով, այսինքն՝ Վարդանյանը «ռուսների մարդը չէ», նրան Արայիկ Զարությունյանն է նշանակել՝ չճշտելով այդ նշանակումը ոչ ՀՀ-ի, ոչ էլ ՌԴ-ի հետ:



⇒ էջ 3

«Ժողովուրդ» օրաթերթին հայտնի դարձավ, որ ՀՀ քննչական կոմիտեն ՀՀ ազգային անվտանգության ծառայության նախկին տնօրեն Գեորգի Կուտոյանի ինքնասպանության գործով պետք է համապատասխան որոշում կայացնի: Այսօր լրանում է ԱԾՆ նախկին տնօրենի մահվան երրորդ տարին, եւ ամենակարեւոր հարցը շարունակում է մնալ անպատասխան արդեն 3 տարի. ինչո՞ւ նա գնաց այդ ծայրահեղ քայլին: Վարույթն իրականացնող մարմինը քննել էր միայն ինքնասպանության վարկածը, որից հետո որոշեց կասեցնել քրեական գործով քննությունը: Ի՞նչ ունենք այսօր. նոր քրեական դատավարության օրենսգրքով այլևս կասեցված վարույթներ չեն կարող լինել: Ընթացակարգը հետեւյալն է. կասեցված գործերը պետք է վերսկսվեն եւ համապատասխան քրեադատավարական որոշումներով ավարտվեն: Նույն ընթացակարգը պետք է գործի նաեւ Գեորգի Կուտոյանի քրեական գործով, եւ քննչական կոմիտեն, ըստ էության, պետք է կոնկրետ որոշում կայացնի՝ կամ պետք է վերսկսի քրեական վարույթը, եւ նոր վարույթին գործողություններ արվեն, մեղադրանք առաջադրվի, կամ վարույթը կարճելու որոշում կայացվի: «Ժողովուրդ» օրաթերթը դիմել է ՀՀ քննչական կոմիտեի եւ հարց ուղղել, թե արդյոք քրեական վարույթը կարճվել է, թե վերսկսվել է: Ի պատասխան՝ ՀՀ քննչական կոմիտեից հայտնեցին. «Այս պահին կասեցված է վարույթը: Նոր, այսինքն՝ գործող քրեադատավարական օրենսգրքի ընթացակարգերով համապատասխան լուծում կտրվի»:



Օրեր առաջ «Ժողովուրդ» օրաթերթն անդրադարձել էր ԱԺ ՔՊ խմբակցության պատգամավոր Խաչատուր Սուքիասյանի ընտանիքին պատկանող «Սիլ ինշուրանս» ապահովագրական ընկերությանը: Գրել էինք, որ ՀՀ պետական եկամտների կոմիտեն պահանջել է պատգամավորի ընտանիքին պատկանող ընկերությանը ներառել գնումների գործընթացին մասնակցելու իրավունք չունեցող մասնակիցների ցուցակում, այսինքն՝ ընկերությանը «սե ցուցակում» ներառելու պահանջի պատվիրատուն ՊԵԿ-ն է: «Սիլ ինշուրանս»-ը, սակայն, չի հայտնվել «սե ցուցակում»: Այս մասին «Ժողովուրդ» օրաթերթի հետ զրույցում նշել է նաեւ «Սիլ գրուպ» -ի մամուլի խոսնակ Աննա Մկրտչյանը՝ ասելով. ««Սիլ ինշուրանս»-ը երբեւէ չի ներառվել գնումներին մասնակցելու իրավունք չունեցող մասնակիցների ցանկում»: Այս մասին լուրը հրապարակելուց հետո «Սիլ ինշուրանս» ընկերությունը շտապեց «Ժողովուրդ» օրաթերթի խմբագրություն ուղարկել հերքման ինչ-որ տեքստ՝ պահանջելով «մեկշաբաթյա ժամկետում «Ժողովուրդ» օրաթերթի առաջին իսկ թողարկման մեջ՝ 1-ին էջում, եւ www.armlur.am կայքում հերքել զրպարտություն համարվող փաստացի տվյալները, այն է՝ «ՊԵԿ-ը պահանջել է Սուքիասյանի ընտանիքին պատկանող ընկերությունը ներառել «սե ցուցակում» փաստը»: Բայց ի՞նչը հերքենք, եթե մենք ունենք մեր գրածը վկայող կոնկրետ փաստաթուղթ:



⇒ էջ 4



ԽՆԴԻՐ ԶԿԱ

ԱՐՑԱԽՈՒՄ ԿՈՂՄԵՐԸ ՀԱՇՎԵԼ ԵՆ



Այսօր Արցախի ուսի օրինական, ընտրված ղեկավարություն՝ նախագահ Եվ խորհրդարան, որը պետք է գործի:

Նոր ընտրությունները Արցախում լուրջ մարտահրավեր կարող են լինել, եւ անթույլատրելի է անգամ մտածել այդ մասին:

Դրանով Ադրբեյջանին հնարավորություն կտրվի վերջ դնել Արցախի ինքնակառավարման մարմիններին եւ հաստատել իր գերիշխանությունը: Չի բացառվում, որ այն կարողանա հասնել միջազգային դերակատարների ընտրությունները չընդունող ու դատապարտող հայտարարություններին, ինչպես դա եղել է Արցախում եւ Հարավային Օսեթիայում: Բացի այդ, դրանք պատրվակ բռնելով կարող է հերթական «հատուկ օպերացիան» կամ «ակտիվիստների» հերթական ակցիան ծրագրել:

Բացի այդ, փորձագետները պնդում են, որ հումանիտար ճգնաժամի կիզակետում արտահերթ ընտրությունների օրակարգ ձեռնարկելը միջազգային հանրությանը մտածելու տեղիք կտա, թե արդյոք կա իրական հումանիտար աղետ:

Այս իրավիճակում ԱՀ նախագահ Արայիկ Հարությունյանը ճիշտ չի համարում Վարդանյանին հեռացնելը եւ ճիշտ չի համարել նաեւ իր հրաժարականը, որը կարող է անկանխատեսելի հետեւանքներ թերել:

ՆԱԽՈՒ ԳՈՎԱՆՆԻՍԱՆ

ՆԵՂԱՑԵԼ Է

«Ժողովուրդ» օրաթերթին բացառիկ մանրամասներ են հայտնի դարձել, թե ինչու ՀՀ արտակարգ իրավիճակների նախարար, քա-ական Արմեն Փամբուխչյանը չնշանակվեց ներքին գործերի նախարարի տեղակալ, արտակարգ իրավիճակների ոլորտի պատասխանատու: Նշենք, որ ներքին գործերի նախարարության հաստատված կառուցվածքի համաձայն՝ նախարարը պետք է ունենա չորս տեղակալ, եւ այդ հաստիքներն արդեն զբաղեցված են: Նրանք են Արամ Գովհաննիսյանը, Արփինե Սարգսյանը, Դավիթ Համբարյանը եւ Կամո Յուզուպյանը: Եվ, ահա, «Ժողովուրդ» օրաթերթի տեղեկությունների համաձայն՝ Արմեն Փամբուխչյանին առաջարկել են զբաղեցնել փոխնախարարի պաշտոնը, բայց նա հրաժարվել է: Իրականում պաշտոնից նրա հրաժարումն ունի խորը արմատներ: Իշխանություններից մեզ հասած լուրերի համաձայն՝ նա հրաժարվել է փոխնախարարի պաշտոնն ընդունել, քանի որ քաղաքական իշխանությունները նրան չտարան ներքին գործերի նախարար եւ նախընտրեցին Վահե Ղազարյանին: Փամբուխչյանը, մասնավորապես, ասել է, որ չի պատրաստվում նախարարից հեռու գնալ եւ որպես ենթակա աշխատել որեւէ նախարարի: Ասել է թե՛ ԶԳ-ական Փամբուխչյանը նեղացած է թիվից ու Նիկոլ Փաշինյանից:

ՏԵՍԱՆՅՈՒԹ ԿԱ

Հասարակական-քաղաքական գործիչ Էդգար Ղազարյանին ծեծի ենթարկելու դեպքից 3 ամիս անց գործն այդպես էլ չի բացահայտվել: չկա ո՛չ կասկածյալ, ո՛չ մեղադրյալ: Հիշեցնենք, որ 2022 թվականի հոկտեմբերի 18-ին անհայտ անձինք հարձակվել են ծեծի են ենթարկել Էդգար Ղազարյանին: Ըստ տուժողի՝ դեպքը տեղի է ունեցել իրենց շքամուտքի մոտ, երբ տուն էր վերադառնում վարսավիրանոցից: Նույն օրը ԶԿ-ում քրեական վարույթ էր նախաձեռնվել՝ ՀՀ քրեական օրենսգրքի 171-րդ հոդվածի 2-րդ մասի 5-րդ կետով՝ մի խումբ անձանց կողմից առողջությանը թեթեւ վնաս պատճառելու հատկանիշներով: Ավելին՝ այս իրավիճակից հետո ոստիկանությունում սկսել են քննարկել նաեւ այն վարկածը, թե հենց Էդգար Ղազարյանը կարող էր ծրագրած լինել իրեն ծեծի ենթարկելու գործը: Եվ, ահա, վաղը, երբ լրանալու է այս միջադեպի երրորդ ամիսը, Էդգար Ղազարյանը որոշել է անձամբ ատուլիս տալ, բացահայտումներ անել եւ ներկայացնել նաեւ տեսանյութը, որտեղ երեւում է, թե ինչպես են բակում ծեծի ենթարկում իրեն: Իհարկե, ոստիկանների կողմից շրջանառվող այս կարծիքը, թե միգրացիոն հենց նա է կազմակերպել այս ամենը, իրենց անգործությունը քողարկելու պատրվակ է, քանի որ իրականում կա տեսանյութ, թե ովքեր որտեղից են հարձակվում Էդգար Ղազարյանի վրա: Այ եթե որեւէ իշխանական գործիչ ծեծի ենթարկվեր, գործը կբացահայտվեր ժամերի ընթացքում:

ՕՐՎԱԿ ԽՃԱՆԿԱՐ

ՄԱՐԳԱՍԻՐԱԿԱՆ ՄԻՋԱՆՑՔ

Թուրքիայի նախագահ Ռեջեփ Թայիփ Էրդողանը թե՛ Ռուսաստանին, թե՛ Ուկրաինային կոչ է արել մարդասիրական միջանցք բացել ռազմագերիներին փոխանակելու համար: Այս մասին թուրքական լրատվամիջոցներն են գրում: Թուրքիայի նախագահի առաջարկ-հորդորի մասին նաեւ Ուկրաինայի օմբուդսմենը՝ Դմիտրի Լյուբինցեյն է հայտարարել «Ուկրինֆորմ»-ին տված հարցազրույցում՝ ակնարկելով նման միջանցքի գաղափարի մասին: Նշենք, որ նախորդ շաբաթվա սկզբին հանդիպել էին Ուկրաինայի եւ Ռուսաստանի օմբուդսմեններ Դմիտրի Լյուբինցեյն ու Տատյանա Մուսկալովայան: Հանդիպումը տեղի էր ունեցել Թուրքիայում, ինչի ժամանակ երկուստեք կարել

որվել էր մարդասիրական միջանցք բացելու անհրաժեշտությունը:

ՊԱՇՏՈՆԱՆԿՈՒԹՅՈՒՆ ԵՎ ՆՇԱՆԱԿՈՒՄՆԵՐ

Արցախի Հանրապետության նախագահ Արայիկ Հարությունյանը հունվարի 16-ին ստորագրել է մի շարք հրամանագրեր: Համաձայն հրամանագրերի՝ գեներալ-մայոր Աշոտ Հակոբջանյանն ազատվել է ԱՀ ազգային անվտանգության ծառայության տնօրենի պաշտոնից եւ արձակվել Ազգային անվտանգության մարմիններում ծառայությունից՝ երկարամյա ծառայության կենսաթոշակի անցնելու կապակցությամբ: Գեներալ-մայոր Արարատ Մելքումյանը նշանակվել է ԱՀ ազգային անվտանգու

թյան ծառայության տնօրեն՝ ազատվելով ԱՀ անվտանգության խորհրդի քարտուղարի պաշտոնից:

Սամվել Շահրամանյանը նշանակվել է ԱՀ անվտանգության խորհրդի քարտուղար՝ ազատվելով Անվտանգության խորհրդի քարտուղարի տեղակալի պաշտոնից:

ՆԻՍՏ Է ԱՐՎԵԼ

ArmLur-ի տեղեկություններով՝ ընդդիմադիր «Հայաստան» խմբակցությունը շաբաթ օրը նիստ է արել: Մեր տեղեկություններով՝ ԱԺ նոր նստաշրջանին ընդառաջ՝ ընդդիմությունը քննարկել է առաջիկա քայլերը, խմբակցության ռազմավարությունը, ինչպես նաեւ նստաշրջանի օրակարգի հետ կապված քննարկում է եղել:

ԱՊՈՍՏՈՒՅՑ

ՊԱՐԱՆՋՈՒՄ ԵՆ ՎԵՐՔԵԼ ԱՆՎԵՐՔԵԼԻՆ

Օրեր առաջ «Ժողովուրդ» օրաթերթն անդրադարձել էր ԱԾ ՔՊ խմբակցության ղեկավար Խաչատուր Սուխայանի ընտանիքին ղեկավարող «Սիլ Ինսուրանս» ապահովագրական ընկերությանը: Քեյ ԷնՖ, որ ՀՀ տնտեսական կազմակերպությունների կոմիտեի ղեկավար է և ղեկավարող ընտանիքին ղեկավարող ընկերությանը ներառել գնումների գործընթացին մասնակցելու իրավունք չունեցող մասնակիցների ցուցակում, այսինքն՝ ընկերությանը, այսպես կոչված, «սեյ ցուցակում» ներառելու դատապարտության մասին նախապես «Սիլ Ինսուրանս»-ը, սակայն, չի հայտնվել «սեյ ցուցակում»: Այս մասին «Ժողովուրդ» օրաթերթի հեռագրում նշել է նաև «Սիլ Գրուպ» -ի մամուլի խոսնակ Աննա Մկրտչյանը՝ ասելով. ««Սիլ Ինսուրանս»-ը երբեք չի ներառվել գնումներին մասնակցելու իրավունք չունեցող մասնակիցների ցուցակում»: Այս մասին լուրը հրատարակելուց հետո «Սիլ Ինսուրանս» ընկերությունը ԵՊՍՏՊ «Ժողովուրդ» օրաթերթի խմբագրություն ուղարկել է հերքման ինչ-որ բանի մասին իր թողարկման մեջ՝ 1-ին էջում, եւ www.armlur.am կայքում հերքել զրդարություն համարվող փաստացի սվյալները, այն է՝ «ՊԵԿ-ը ղեկավարում է Սուխայանի ընտանիքին ղեկավարող ընկերությանը ներառել «սեյ ցուցակում» փաստը»: Քայք ի՞նչը հերքեմ, եթե մեք ունեմ մեր գրածը վկայող կոնկրետ փաստաթուղթ:

SIL INSURANCE
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԳՆՈՒՄՆԵՐԻ ՀԵՏ ԿԱՊԿԱՍ ԲՈՂՈՔՆԵՐ ՔՆՆՈՂ ԱՆՁ
Ժ ա մ ա ն կ ա ց ու յ ց
ԳՐՔԱ-LO-2021/116 ընթացակարգի քննության նիստի
«Սիլ Ինսուրանս» ԱԲԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով նախատեսված ընթացակարգի (Պատվիրատու ՀՀ պետական եկամուտների կոմիտե, Ընթացակարգի ծածկագիրը՝ «ՊԵԿ-ԳՀՉԶԲ-21/7») քննության վերաբերյալ որոշման նիստը տեղի կունենա 19.01.2022թ. ժամը 15:40-ին, ք. Երևան, Մելիք-Աղամյան 1 հասցեում, 1-ին հարկի թիվ 115 նիստերի դահլիճում:
ԳՆՈՒՄՆԵՐԻ ՀԵՏ ԿԱՊԿԱՍ ԲՈՂՈՔՆԵՐ ՔՆՆՈՂ ԱՆՁ՝ Լ. ՕՀԱՆՅԱՆ
ՔԱՐՏՈՒՂԱՐ՝ Ռ. ՄԿՐՏՉՅԱՆ

ման համար միաժամանակյա բանակցությունների: Բանակցությունների ավարտին մասնակիցները հայտով ներկայացված գները թողել են անփոփոխ, եւ «Նաիրի Ինսուրանս» ընկերությունը ճանաչվել է ընտրված մասնակից:
Նշենք, որ «Սիլ Ինսուրանս», «Ռոսգոստորախ-Արմենիա», «ԲԻ ԲԻ Էս ՍԻ» ընկերությունները նույն գնային առաջարկ են ներկայացրել՝ 4 մլն 846 հազար դրամ, սակայն «Սիլ Ինսուրանս»-ի համար անհասկանալի է, թե ինչու է «Սիլ Ինսուրանս»-ը վերը նշված ընկերություններից հետո հաջորդ տեղը զբաղեցրել այն դեպքում, երբ «ԲԻ ԲԻ Էս ՍԻ»-ն չի հանդիսանում ապահովագրական ընկերություն են գնման ընթացակարգին իրավունք չի ունեցել մասնակցելու: Ստացվել է, որ հարցմանը մասնակցել են թվով 4 ապահովագրական ընկերություն են 2 ոչ ապահովագրական ընկերություններ: Մեզ հայտնի դարձավ նաև, որ «Սիլ Ինսուրանս» ընկերությունը դիմել է բողոքների քննող անձին եւ խնդրել պարտավորեցնել Պետական եկամուտների կոմի-

տեի կարիքների համար շարժիչավոր փոխադրամիջոցների ապահովագրական ծառայությունների ձեռքբերման նպատակով հայտարարված գնաձեռման հարցման ընթացակարգով գնահատող հանձնաժողովին դադարեցնել «Նաիրի Ինսուրանս» ընկերության վերաբերյալ կայացված որոշումը,
նաև խնդրել է «Նաիրի Ինսուրանս», «Արմենիա Ինսուրանս» եւ «ԲԻ ԲԻ Էս ՍԻ» ընկերությունների հայտերը գնահատել անբավարար եւ մերժել: Բացի այս, մեզ հայտնի դարձավ, որ ՀՀ գնումների հետ կապված բողոքներ քննող անձը որոշել է «Սիլ Ինսուրանս»-ի բողոքը բավարարվել մասնակիրուն եւ «ԲԻ ԲԻ Էս ՍԻ» ընկերության հայտը գնահատել անբավարար ու մերժել: Մնացած մասով բողոքը մերժվել է: Ներկայացնում ենք նաև ՊԵԿ-ի պահանջը «Սիլ Ինսուրանս»-ին ներառելու «սեյ ցուցակում»: Հիմա ինչպե՞ս հերքի «Ժողովուրդ» օրաթերթը ՊԵԿ պաշտոնական տեղեկությունը, որը կա նաև բաց աղբյուրներում:
ՄՅՈՒՆԵ ՀՄԱՐԱՐՁՈՒՄՅԱՆ

ԼՈՒՐԵՐ

ՀՐԱՄԱՆԱՏԱՐ Է ԿԱԼԱՆԱՎՈՐՎԵԼ

ArmLur.am-ին հայտնի դարձավ, որ Սեւակ Աբրահամյանին մեղադրանք է առաջարկվել այն բանի համար, որ նա, զբաղեցնելով N գործարարի հրամանատարի պաշտոնը, խախտել է մարտական հերթապահություն կրելու կանոնները, որպիսի գործողությունների հետևանքով ժամանակին չի հայտնաբերվել եւ չի կասեցվել պետության դեմ հարձակումը:

ՀԱՐՎԱԾԵԼ Է ԵՐԵԽԱՅԻՆ

Armlur.am-ին հայտնի դարձավ, որ Լ. Վարդանյանին մեղադրանք է առաջարկվել:
Նա 2022 թվականի հոկտեմբերի 07-ին՝ ժամը 13:30-ի սահմաններում, Երեւան քաղաքի Արմեն Բաբաջանյան 4 հասցեում գտնվող «Երեւանի թիվ 181 հիմնական դպրոց» ՊՈԱԿ-ի մուտքի մոտ, նկատելով իր որդու՝ Նույն դպրոցի 4-րդ դասարանի աշակերտ Գրիշա Էդուարդի Վարդանյանի եւ վերջինիս համագասարանի՝ անչափահաս՝ 2012 թվականին ծնած Գարիկ Գեւորգի Բեյբությանի միջեւ տեղի ունեցող հրմշտոցը, հաստատապես տեղյակ լինելով Գարիկ Գեւորգի Բեյբությանի՝ անչափահաս լինելու հանգամանքի մասին, մտտեցել է վերջինիս եւ դիտավորությանը երկու անգամ ձեռքով հարվածելով Գարիկ Բեյբությանի աջ այտին եւ բռնի այլ գործողություններ կատարելով՝ ուրրելով վերջինիս աջ սկանջը՝ պատճառել է ֆիզիկական ցավ:
ՔՆՆՈՒ ՄԱՆՈՒԿՅԱՆ

ԿԱ ՏՈՒԺԱԾ

Հունվարի 15-ին՝ ժամը 22:49-ին, ՃգՆ աշխատանքի կառավարման ազգային կենտրոն ահազանգ է ստացվել, որ Կոմիտասի պողոտայի եւ Կրպակյան փողոցի խաչմերուկում տեղի է ունեցել ՃՏՊ. կա տուժած: Այս մասին հայտնում են ՀՀ ՆԳՆ փրկարար ծառայությունից:

ՀՐԳԵՐ՝ ՏԱՆԻՔՈՒՄ

Հունվարի 16-ին՝ ժամը 02:16-ին, Շիրակի մարզային ճգնաժամային կառավարման կենտրոն ահազանգ է ստացվել, որ հրդեհ է բռնկվել Գյումրի քաղաքի Շահումյան փողոցում գտնվող մթերային խանութում:
Պարզվել է, որ հրդեհը բռնկվել է երկհարկանի խանութի տանիքում (մոտ 110 քմ): Հրդեհը մեկուսացվել է ժամը 03:10-ին, մարվել՝ 03:50-ին: Այրվել են երկրորդ հարկի առաստաղը մասամբ եւ տանիքի փայտե կառուցատարրերը (մոտ 40 քմ), ջերմահարվել՝ մոտ 20 քմ:

ԵՐԵԽԱՆ ՄԱՐԿԱՑԵԼ Է

Հունվարի 3-ին հաղորդվել էր, որ Երեւան-Երասխ ճանապարհին՝ Դիմիտրով գյուղի հատվածում, «ՎԱԶ-2107» մակնիշի մեքենան դուրս էր եկել երթուղուց եւ կողաշրջվել: Վարորդը եւ հինգ ուղեորները մարմնական վնասվածքներով տեղափոխվել էին հիվանդանոց: Հունվարի 13-ին հիվանդանոցից հաղորդում է ստացվել, որ ուղեորներից 3-ամյա Արամ Սարգսյանը մահացել է: Զբոսայգի վարույթը շարունակվում է:

ՀԱՂՈՐԴՈՒՄ ԲԱԺԻՆ

ԳՈՂԱՑԵԼ Է ԽՈՇՈՐ ԳՈՒՄԱՐ ԵՎ ՈՍԿՅԱ ԶԱՐԳԵՐ

Գեկեմբերի 8-ին ոսկիանոթյան Արմավիրի բաժնում ստացվեց հաղորդում, որ Արմավիրի քաղաքի Մաքսնոցի փողոցի մի բնակարանից գողացել են խոշոր գումար եւ ոսկյա զարդեր:
Բաժնի օպերատիվ խումբը մեկնեց դեպքի վայր, ձեռնարկեց անհրաժեշտ միջոցառումներ: Իրավապահները, ըստ տանտերերի պատմածի, ելադրեցին, որ տուն էին մտել ժամը 9-ից 15.20-ը, երբ տանը մարդ չէր եղել, իսկ մուտքի դուռը բացել էին հարմարեցված գործիքով:

Ննջատեսչայի պահարանից տարել էին մեկ միլիոն 290 հազար դրամ եւ ոսկյա 11 զարդ: Ոչ մի հետք, կասկածելի ոչ մի հանգամանք, ինչն ինքնին կասկածելի էր:
Արմավիրի մարզային վարչությունում նախատեսվեց քրեական վարույթ: Առաջ քաշվեցին տարբեր վարկածներ, նաև այնպիսին, որը կբացատրեր, թե բնակարանային գողության վայրում ինչու չկան այլ հետքեր ու կասկածելի հանգամանքներ:
Արմավիրի քրեական հետախույզների միջոցառումները տեւական ժամանակ

արդյունք չէին տալիս, եւ վարկածը, որ ոչ մի գողություն էլ չէր եղել, դառնում էր ավելի հավանական: Հունվարի 14-ին վերջապես պարզվեց, որ եւ՛ փողը, եւ՛ ոսկյա զարդերը վերցրել էր տան 32-ամյա հարսը եւ տվել 28-ամյա ընկերոջը, որն էլ կատարել էր խաղաղույթ եւ պարտվել:
Հարսը հրավիրվեց ոստիկանության բաժնի եւ խոստովանեց:
Նա ներկայացվել է Արմավիրի մարզային քննչական վարչություն:

● Ըստ ոստիկանության տվյալների՝ հունվարի 13-ից 16-ը Հայաստանի Հանրապետությունում բացահայտվել է հանցագործության 116 դեպք, որոնցից 7-ը՝ նախկինում կատարված:

ՀԱՍԱՐԱԿՈՒԹՅՈՒՆ

ՄԱՐԶ

ԽՈՒՄԱՓՈՒՄ Է ՊԱՏԱՄԽԱՆԵԼ

Տավուշի մարզի համայնքների արժեքավորների տեղակայության վայրը խնդիր է: Օրինակ՝ Իջեան քաղաքի արժեքավոր գտնվում է Իջեան խոշորացված համայնքի Լուսաձոր բնակավայրի վարչական տարածքում...

ՊԱՏԸ ՉԵՆ ՆՈՐՈԳՈՒՄ

Ավելի քան երեք տարի է, ինչ Տավուշի մարզի Իջեան-Բերդ ավտոճանապարհի վազաշեն-Պառավաքար շրջանցիկ, համեմատաբար ապահով ճանապարհին կառուցված, ճանապարհի դիմացի բարձունքներում տեղակայված արդի տեխնոլոգիաների և սարքավորումների գնդակործանող պաշտպանող պատի մի մասը քանդված է:

ԾՐԱԳՐԵՐԸ ՄՆԱՑԻՆ ԹՎԹԻ ՎՐԱ

2017 թվականին նախատեսվում էր Տավուշի մարզում կառուցել 3 այլուստի և 4 ուղղի ջրամբարները, դրանցում ընդհանուր առմամբ կուտակվել 2 միլիոն խորանարդ մետր ջուր, սակայն սահմանագոտում այդ ջրամբարների կառուցման ծրագրերը մնացին թղթի վրա:

Ռ. ՍԱՐԳՍՅԱՆ Տավուշ

ՊԱՇՏՈՆԻ ՉԱՐԱՇԱՐՈՒՄ

ՄՈՒՏ ՀԱՂՈՐԴՈՒՄ՝ ՀՈՐԵՂԲՈՐ ԳԵՄ

2022թ. նոյեմբերի 8-ին Գոռ Չոբանյանը ուսիկանության օրհրատի կառավարման կենտրոնի հաղորդում է սվել, որ Տավուշի մարզի Վերին Կարմիրաղբյուր բնակավայրի վարչական ղեկավար Կամո Չոբանյանը շարաւանի է դառնում...



հայտնեց, որ 2008թ. նոյեմբերի 1-ին ինքը ստանձնել է համայնքի ղեկավարի պաշտոնը, այդ ժամանակ համայնքապետարանի հաշվեկշռում տարաներ չեն եղել: Չոբանյանը ավագանու 2012թ. կամ 2013թ. որոշմամբ՝ գյուղի բնակիչ Սարգիս Խոջայանին 400 հազար դրամով վաճառվել է հաստոց, որը եղել է 1965թ. արտադրության, հնամաշ, անսարք վիճակում:

Նկատմամբ ՀՀ քրեական օրենսգրքի 441 հոդվածով քրեական հետապնդում չհարուցելու վերաբերյալ: Այս դեպքում բողոքը վերաբերում էր համայնքապետարանի հաշվեկշռում գտնվող 1979 եւ 1982 թվականների արտադրության «НІВА СК5» մակնիշի հացահատիկահավաք 2 կոմբայներին, որոնք 2001թ.-ից չեն շահագործվել եւ գտնվել են կոմբայնավարների տների բակերում: 2015թ. մայիսի 7-ին Վ. Կարմիրաղբյուր համայնքը 27,5 միլիոն դրամով ձեռք է բերել հացահատիկահավաք սոր կոմբայն, դրանից հետո համայնքի ավագանին միաձայն որոշել է հնամաշ եւ անպետք 2 կոմբայները վաճառել եւ գումարներն ուղղել սոր կոմբայնի գումարի մասնակի վճարմանը: Կոմբայներից մեկը 400 հազար դրամով գնել է գյուղի բնակիչ Սարգիս Խոջայանը, երկրորդ կոմբայնը գնել ցանկացող չի եղել:

ՈՍԿԵՐՈՒԹՅԱՆ Տավուշ

ԼՈՒՐԵՐ

ԲԵՆՉԻՆՆ ԷԺԱՆԱՑԵԼ Է

Այս տարվա հունվարի 9-ի տվյալներով՝ աշխարհում բենզինի միջին գինը կազմել է 1.29 դոլար: Բենզինի եւ դիզելային վառելիքի գները նվազել են նաեւ մեր հանրապետությունում: Հայաստանյան որոշ բենզալցակայաններում Ռեզոլյար տեսակի բենզինի մեկ լիտրը վաճառվում է 350 դրամով, Պրեմիումը՝ 370 դրամով:

Սախորդ տարվա դեկտեմբերին, 2021 թվականի դեկտեմբերի համեմատ, բենզինի էժանացել է 14.8 տոկոսով, դիզելային վառելիքը՝ թանկացել է 13.7 տոկոսով: Բենզինի գնի նվազման պատճառներից մեկը նավթամթերքի համաշխարհային

շուկայում գրանցված անկումն է: Մասնագետների խոսքերով՝ մեր հանրապետությունում բենզինի ցածր գինը դեռ կպահպանվի. չի բացառվում, որ այն առաջիկայում էլ ավելի էժանանա:

ԾՆՎԱԾՆԵՐԻ ԹԻՎԸ ՊԱԿԱՍԵԼ Է

Հայաստանում նախորդ տարվա հունվար-նոյեմբերին ծնվածների թիվը պակասել է: ArmLur.am-ը պաշտոնական արդյունքներից տեղեկացավ, որ մեր հանրապետությունում եթե 2020 թվականի 11 ամիսներին ծնվածների թիվը կազմել է 33 հազար 346, 2021-ի նույն ժամանակահատվածում՝ 33 հազար 625, ապա նախորդ տարվա նույն ժամանակահատվածում այն պակասել է դառնալով 33 հազար 177:

Պակասել է նաեւ մեռելածինների թիվը՝ 11 ամիսների ընթացքում 465-ից հասնելով 399-ի:

ԹԱՆԿԱՑՈՒՄՆԵՐ

Մանկական կերի շուկայում թանկացումներ են արձանագրվել: ArmLur.am-ը ՀՀ վիճակագրական կոմիտեից տեղեկացավ, որ մանկական սննդի գինը նախորդ տարվա դեկտեմբերին, 2021 թվականի նույն ժամանակահատվածի հետ համեմատ, աճել է 4.1 տոկոսով, իսկ, ահա, նախորդ տարվա դեկտեմբերին, նոյեմբերի համեմատ, մանկական սնունդը թանկացել է 0.6 տոկոսով: Տեղեկացնելը, որ 100-գրամանոց խյուսերը սկսում են 1700 դրամից, իսկ շիլաների գները սկսում են 1700 դրամից եւ հասնում մինչեւ 6000 դրամի: Կաթնային խառնուրդի արժեքը սկսում է 4600 դրամից եւ հասնում մինչեւ 17000 դրամի:

ՍՅՈՒՆԷ ՀԱՍՔՐՈՇՈՒՄՅԱՆ

● Անցած 3 օրվա ընթացքում Հայաստանի Հանրապետությունում արձանագրվել է 30 ՃՏՊ. 1 մարդ զոհվել է, 42-ը՝ ստացել տարբեր աստիճանի մարմնական վնասվածքներ:



ԿԱՐԾԻՔ

2022 ԹՎԱԿԱՆ

ՀԱՅ ՀԱՅՏՆԻՆԵՐԻՑ ՈՎՔԵՐ ԿՅԱՆՔԻՑ ՀԵՌԱՅԱՆ 2022-ԻՆ

2022 թվականը ոչ միայն Հայաստանի և Արցախի սահմանների համար էր մեծ կորուստների և մահահարվելների լի տարի, այլ նաև աննախադեպ էր հայ հայտնիների մահերով:

2022 թվականին փետրվարի 4-ին 64 տարեկան հասակում մահացավ կոմպոզիտոր, երգի պետական թատրոնի հիմնադիր Արթուր Գրիգորյանը: Նշենք, որ Գրիգորյանը տեական ժամանակ լուրջ առողջական խնդիրներ ուներ:

Մայիսի 9-ին ողբերգական պատահարի պատճառով կյանքից հեռացավ երիտասարդ և սիրված հաղորդավարուհի Արմինե Ճաղարյանը: Արմինեն մահացել է Դեբետ գետում նկարահանման ժամանակ:

Հունիսի 13-ին հայ հանդիսատեսը կորցրեց եւս մեկ լեգենդար արտիստի՝ կինոյի և թատրոնի դերասան, ՀՀ վաստակավոր և ժողովրդական արտիստ Ռաֆայել Քոթանջյանին:

2022 թվականի հունիսի 15-ին սրտի կաթվածից 55 տարեկան հասակում մահացավ երգիչ, կլանտեսիստ Հովհաննես Վարդանյանը:

Հոկտեմբերի 31-ին 77 տարեկան հասակում կյանքից հեռացավ ՀՀ ժողովրդական արտիստ, բեմադրիչ Վահե Շահվերդյանը: Նա բեմադրիչ, հաղորդավար Սուրեն Շահվերդյանի հայրն է:

ԼԻՂՎ ԵՐԻԱԶԱՐՅԱՆ



ԼՈՒՐԵՐ

ԵՐԱԶԱՆՔՆԵՐԻ ՀԱՆԳԻՍՏ

Դերասանուհի Տաթևիկ Աղումյանն Ամանորից հետո մեկնել է Չիլի՝ երազանքների հանգստի տեղից:

Տաթևիկը, որն այնքան էլ ակտիվ չէ «Ինստագրամ» հարթակում, այս օրերին բավականին ակտիվ ձեռով կիսվում է իր հետետորդների հետ, լուսանկարներ, հոլովակներ է ցուցադրում և ներկայացնում իր տպավորությունները:

ԼԻՂՎ ԵՐԻԱԶԱՐՅԱՆ

«ԴԱԳԱՐԵՑՐԵՔ ԵՐԱՓԱՆՈՒՄԸ»

Երգչուհի Ռոզա Լինը, որը Հայաստանը ներկայացրեց «Եվրատեսիլ 2022» երգի հեղինակավոր մրցույթում, միջազգային հանրությանը կոչ է արել աջակցել Արցախի հայերին:

Օրեր առաջ նա Եվրատեսիլյան Snap հիթային երգը կատարել է iHeartRadio ALTer Ego համերգին: Երգչուհին բեմ է բարձրացել «Դադարեցրեք շրջափակումը», «Արցախ» գրություններով հագուստով:

Հունվարի 16-ին Ռոզա Լինը գրառմամբ փորձել է հանրության լայն շրջանակին պարզաբանել իր ուղերձի նպատակը:

Նա խոստովանել է, որ ինքը մտածում է այն մադկանց մասին, որոնք այժմ Արցախում են և կտրված են աշխարհից: «Դեկտեմբերի 12-ից Ադրբեջանի քաղաքացիները, որոնք հանդես են գալիս որպես «բնապահպաններ», շրջափակել են Լաչինի միջանցքը, որը Արցախը Հայաստանի և աշխարհի հետ կապող միակ ճանապարհն է: Դա Ադրբեջանի՝ հայերի վրա հարձակվելու եւս մեկ փորձ է, արցախցիները տառապում են: Միջանցքով ամեն օր Հայաստանից Արցախ մտնում 400 տոննա սննդամթերք և դեղորայք էր տեղափոխվում», - նշել է Ռոզան ու շեշտել, որ 120 000 արցախահայեր չեն կարողանում հատել Հայաստանի սահմանը՝ բաժանված ընտանիքներից. նրանք լիովին մեկուսացված են և անպաշտպան:

Դիմելով միջազգային հանրությանը՝ Ռոզա Լինն ընդգծել է. «Ես խնդրում եմ ձեզ կանգնել իմ կողքին՝ ի պաշտպանություն Արցախի հայերի: Մենք պետք է դադարեցնենք շրջափակումը և թույլ չտանք, որ Ադրբեջանը շարունակի հայերի էթնիկ գոմարտի սարսափելի քաղաքականությունն Արցախում: Ինչպե՞ս կարող եք օգնել. շատ պարզ՝ սեղմելով իմ էջում գետեղված հղման վրա, ինչը մեխանիկորեն այն ցույց կտա Քամալա Հարիսին՝ խնդրելով նրան խախտել իր լռությունն այս հարցում, դադարեցնել ԱՄՆ ռազմական օգնությունն Ադրբեջանին և սկսել ԱՄՆ-ի մարդասիրական օգնությունն Արցախին», - գրել է երգչուհին՝ խնդրելով տարածել իր հաղորդագրությունը:

ԼՈՒՐԵՐ

ԱՐՏԱՔԻՆ ՓՈՓՈԽՈՒԹՅՈՒՆ

Դերասանուհի Լիանա Հակոբյանը վերջին շրջանում ենթարկվել է արտաքին փոփոխությունների: Նշենք, որ դերասանուհին ավելի վաղ մեզ հետ զրույցում ասել էր, որ արդեն 32 կիլոգրամ նիհարել է:

Չնայած գերզբաղվածության և հոգևածությանը՝ նա հասցնում է զբաղվել նաև ֆիզիկական ակտիվությամբ:

Այս մասին ArmLur.am-ի հետ զրույցում ասել էր դերասանուհի Լիանա Հակոբյանը՝ անդրադառնալով ավելորդ քաշից ազատվելու իր տարբերակին ու բարդություններին:

ԼՈՒՍԱՆԿԱՐՆԵՐ՝ ԱՄՆ-ԻՑ

Երգչուհի Մարտա Կիրակոսյանը, որն ամուսնությունից հետո մշտական բնակություն է հաստատել Ամերիկայի Միացյալ Նահանգներում, պասիվ է ստեղծագործական կյանքում, սակայն բավականին ակտիվ է համացանցային տիրույթում:

Երգչուհին պարբերաբար ֆոտոշուքեր է անում և իր լուսանկարներով կիսվում հետետորդների հետ:

Երգչուհին երկրորդ անգամ մայրացել է 2022 թվականին: Նա ունի երկու որդի:

Հիշեցնենք, որ Մարտան և Նահապետն ամուսնացել են 2018 թվականի դեկտեմբերին:

ԼԻՂՎ ԵՐԻԱԶԱՐՅԱՆ



● Հունվարի 19-ին Կոմիտասի անվան կամերային երաժշտության տանը տեղի կունենա «ՀՊԿՆ / Աննա Կնյազյան / Արմինե Սողոմոնյան» համերգը: Տոմսերի արժեքը՝ 2000-3000 դրամ: Սկիզբը՝ ժամը 19:00-ին:



Էջը՝ ՌՈՋԱ ՊՈՂՈՍՅԱՆԻ

**ՍՊԱՍԱՐԿՈՒՄ**

**ՀԱՐՑ. Ի՞նչ ծառայություններ է իր մեջ ներառում «Արմենիա» միջազգային օդանավակայաններ»-ի VIP ծառայությունը:**  
*Մելինե Խաչատրյան (30 տարեկան)*



**ՊԱՏԱՍԽԱՆ.** «Արմենիա» միջազգային օդանավակայաններ»-ի կոմերցիոն VIP ծառայությունը ներառում է՝

- առանձնացված հաշվառման ծառայություն,
  - հավելյալ ուղեբեռի փոխադրման ծառայություն (VIP սրահից դեպի VIP ավտոկանգառ եւ հակառակ ուղղությամբ),
  - ժամանման սպասարահներում (ստերիլ գոտի) թեյի մատուցում (անսահմանափակ քանակությամբ),
  - ժամանման սպասարահներում (ստերիլ գոտի) սուրճի մատուցում (անսահմանափակ քանակությամբ),
  - ակոհոլային խմիչքներ,
  - մեկ ոչ ակոհոլային խմիչք (առկայության դեպքում):
- «Զվարթնոց» օդանավակայան**

**«ԺՈՂՈՎՈՒՐԳ».** VIP ծառայության համար գանձվում է 70.000 ՀՀ դրամ (մինչև 6 տարեկան երեխաները սպասարկվում են անվճար): Հաշվառում VIP սրահում, ուղեկցում սահմանային հսկիչ կետ, Բիզնես սրահի մուտքի թույլտվություն (ուղեւորն անվտանգության եւ անձնագրային հսկիչ կետերն անցնում եւ գնում է ինքնաթիռ ինքնուրույն):

**ՍՈՑԻԱԼԱԿԱՆ**

**ՀԱՐՑ. Ո՞ր դեղեբեռում եւ որքա՞ն ժամանակով կարող է հեռաձգվել բաղաբացու ուղեգրումը տուն-իններնս:**  
*Կարեն Վիրաբյան (45 տարեկան)*



**ՊԱՏԱՍԽԱՆ.** Քաղաքացու ուղեգրումը տուն-ինտերնատ կարող է հետաձգվել՝ քաղաքացու կամ նրա խնամակալի կողմից սոցիալական աջակցության տարածքային գործակալություն (բաժին) ներկայացված դիմումի (հիմնավոր պատճառների՝ առողջական խնդիրներ, հարազատի մահ, եղանակային պայմաններ եւ այլն) հիման վրա, մինչև 6 ամիս ժամկետով:

**ՀՀ աշխատանքի եւ սոցիալական հարցերի նախարարություն**

**«ԺՈՂՈՎՈՒՐԳ».** Քաղաքացին պետք է ներկայանա բնակչության սոցիալական պաշտպանության խնամքի շուրջօրյա հաստատություն (տուն-ինտերնատ) ուղեգիրը ստանալու օրվանից 7-օրյա ժամկետում:

**ԼՈՒՐ ԿԱԴՐ**

*Լուսանկարը՝ համացանցից*



44-օրյա պատերազմում անմահացած Մխիթար Գալեյանի վեցամսական եղբոր լուսանկարը: Հունվարի 16-ին կրտսեր Մխիթարը դարձավ 6 ամսական:

**ԲԱԺԱՆՈՐԴԱԳՐՈՒԹՅՈՒՆ**

Մեր թերթը  
 Բաժանորդագրվելու  
 համար կարող եք դիմել



**«Հայմամուլ» ՓԲԸ**  
 հեռ. 45-82-00, 45-19-11

**«Հայփոստ» ՊՓԲԸ**  
 հեռ. 51-45-46, 51-45-47

**«Բլից-Մեդիա» ՍՊԸ**  
 հեռ. 52-5301

Առաքումը՝ **ԱՆՎՃԱՐ**:

Ձեզ հետաքրքրող ցանկացած հարցով կարող եք դիմել «Ժողովուրդ» օրաթերթի խմբագրություն (**010 54-64-23** հեռախոսահամարով), եւ մենք անպայման կանդրադարձանք ձեր բարձրացրած բոլոր խնդիրներին:


**ԱՌԱՋԱՐԿ**  
**հայկական տպագիր մամուլից**

«Ժողովուրդ» օրաթերթին բաժանորդագրվելու համար կարող եք լրացնել հետևյալ բլանկը եւ ուղարկել նշված հասցեով: Ամեն օր թերթը կհասնի ձեր նախընտրելի վայր:

**Բաժանորդագրության բլանկ**

Անուն՝ \_\_\_\_\_  
 Ազգանուն՝ \_\_\_\_\_  
 Առաքման հասցե՝ \_\_\_\_\_  
 Բջջային եւ/կամ քաղաքային հեռախոս՝ \_\_\_\_\_

Հեռ.՝ (060) 490049  
 0023, Արշակունյաց 2, 5-րդ հարկ, 518ս.



*«Ժողովուրդ» օրաթերթում հրապարակված նյութերը արտատպելիս կամ ընթացիկ մեջբերումներ անելիս պետք է պարտադիր գրառել հետևյալ նախադասությունը.  
 «Շարունակությունը կարող էք կարդալ «Ժողովուրդ» օրաթերթի այսօրվա համարում»:*

Լրատվական գործունեություն իրականացնող՝  
 «Ժողովուրդ թերթի խմբագրություն» ՍՊԸ  
 Հասցեն՝ ք. Երեւան, Աբովյան 22՝/3, հեռ՝ **010 54-64-23**  
 Պետական գրանցման վկայականի համարը՝ 03Ա089086  
 տրված է 24.11.2010  
 Ստորագրված է տպագրության **16.01.2023**  
Պատկեր: Պատկերակրթի մարզ, ք. Կարբեն, 4 համայնքային 2017

Գլխավոր խմբագիր՝  
**ՔՆԱՐ ՄԱՆՈՒԿՅԱՆ**

Տպագրված է «ԳԻՆՂ» տպարան ՍՊԸ հրատարակչությունում խմբագրություն հանձնված նյութերը չեն գրախոսվում եւ չեն վերադարձվում, Գ նշանով նյութերը գովազդային հրապարակումներ են, որոնց համար խմբագրությունը պատասխանատվություն չի կրում: